

Faodaidh coineanaich a bhith nam plaigh do thuathanaich agus croitearan. Tha e coltach gun ithe 8 coineanaich uiread de dh'fheur ri caora. Tha an creimeadh cuideachd a' milleadh agus a' marbhadh craobhan òga agus pòr. Ann an cuid de dh'àiteachan le talamh gainmheach tha na broclaich aca cho paillt agus gu bheil an talamh a' tuiteam a-steach agus 's dòcha gum falbh a' ghaoth le tòrr den ùir.

Faodaidh an fheadhainn bhoireann tòiseachadh a' brideadh aig trì mìosan gu leth a dh'aois, agus 's dòcha gum bi seachd coineanaich òga anns gach àl. Mar tòrr bheathaichean eile, nam maireadh iad uile beò cha b' fhada gus an ruitheadh iad a-mach à biadh agus àiteachan còmhnaidh. Ma tha 5 coineanaich bhoireann a' breith 4 àil gach bliadhna agus ma tha 6 coineanaich òga anns gach àl, co mheud dhiubh a bhitheas a' brideadh an ath bhliadhna ma tha 60% dhiubh a' bàsachadh?

Chan e na h-aon bheathaichean a tha nam plaigh do gach tuathanach. Tha sionnaich nam plaigh do chuid de thuathanaich oir tha iad ag ithe uain òga agus cearcan. Ach, tha iad cuideachd nan cuideachadh do thuathanaich oir tha iad ag ithe coineanaich agus luchainn a tha a' milleadh a' phoir.



buaghallan



'S e flìodh a th' air lus a tha a' fàs far nach eil duine ga iarraidh. 'S e flìodh a th' ann an cluarain ann an achadh eòrna ach 's e flìodh a th' ann an eòrna ann an gàrradh-fhlùran. 'S e lus bhuidhe a th' ann am buaghallan agus tha tuathanaich a' coimhead air mar fhliodh. Tha e puinseanta do bheathaichean a tha a' feurach. 'S toigh le meanbh-fhrìdean flùran soilleir agus chì thu hoverflies, seillein agus speachan gu tric gan ithe.